





Taamaattumik kommunemut pilersaarsiornermi siunissami suleriaasissaq piffissalersorneqassasoq aamma takussutissaliortoqassasoq siunnersuutigineqarpoq, tassani kommunalbestyrelsemi ilaasortat nutaat isumasioqatigiittarlutik oqaloqatigiittarlutillu suleriaatsimi peqataatinneqassapput, ilanngussaq 1 takuuk - piffissaliussat. Suleriesissaq malinneqarniassammat aamma piffissaliussap nutaap malinneqar-nissaa anguneqarsinnaaniassammat aqutsisoqatigiit akisussaaffilerneqassapput aamma naalackersui-nermik suliallit ineriartorneq pillugu ingerlaavartumik ilisimatinneqartassapput, ilanngussaq 2 takuuk – aaqqissaanerup pilersaarutaa.

Kommunemut pilersaarutip suliarineqarneranik naalackersuineramik suliallit akuerinnittarneri tamatuma kingorna ima pissaaq:

Juni 2013: kommunalbestyrelsemi ilaasortat nutaat siullermeerlutik ataatsimiinnerminni april/maj-imi inissitissapput tamatuma kingorna kommunalbestyrelse juunip qaammataani ataatsimeeqqissaaq aam-ma kommunemi naalackersuineramik suliallit sulineri piareersarlugit aallartissapput. Ataatsimiinnermi tassani saqqummiisoqassaaq, taamaalilluni kommunalbestyrelsemi ilaasortat nutaat kommunemut pilersaarummik aamma kommunemut pilersarusioriaatsimik saqqummiiffigineqassapput; Periuseq 2020 aamma paasissutissanik katersuinermi suleriaaseq aamma innuttaasut peqataatinneqarneri ilanngullugit saqqummiunneqassapput, ilanngussat takukkit: periuseq 2020, najugaqarfinni I aamma II-mi paasissutissanik katersuineq.

November 2013: kommunalbestyrelsemi ilaasortat nutaat sapaatip-akunnerani 48-mi 2014-mut missin-gersuusiaq aalajangiiffiginiallugu ataatsimiissapput. Katersuunneq aallarnerlugu ulloq ataaseq atorlugu isumasioqatigiittoqassaaq, tassani kommunemut pilersaarutitut siunnersuut nutaaq kommunalbestyrel-semut ilaasortanut saqqummiunneqarlunilu suliarineqassaaq. Kommunalbestyrelsep ataatsimiinerani siunnersuut akuerineqassaguni kommunemut pilersaarutitut siunnersuut tamanut tusarniaassutigisine-qassaaq sapaatip-akunnerini arfineq-pingasuni.

Februar/marts 2014: Kommunalbestyrelsemi ilaasortat tamanut tusarniaaffik naammassereerpat Qaasuitsup Kommuniata kommunemut pilersaarutaa akuersissutigisinnaalissavaat, tamatumalu kingorna taanna tamanut nalunaarutigineqarsinnaassaaq.

Inatsit tunngaviusoq:

Pilersarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq.

**Inassuteqaat:**

**Allaffissornikkut suliallit kommunalbestyrelsemut inassuteqaataat:**

**Kommunalbestyrelsep killifik una nassuiaallu tusaatissatut tigussagaa.**

Tapiliussat:

1. Piffissaliussat pilersaarutaat
2. Aaqqissuussaanerup titartagartaa
3. Suliassat takussutissartaat
4. Periuseq 2020
5. Najugaqarfinni paasissutissanik katersat I
6. Najugaqarfinni paasissutissanik katersat II

**Aalajangiussaq:**

--

<b>Suliaq nr.</b>	<b>KOM 13-1007</b>	<b>Tapil.nr.</b>	<b>002</b>	<b>Journal nr.</b>	
<b>Qulequtaq</b>	<b>Atuarfeqarfiup isumaqatigiissuteqarnikkut aqunneqarnera.</b>				

Uteqqiineq:

Piorsarsimassutsimut, Atuartitaanermut Sunngiffimmullu Ataatsimiitsitaliap 12. marts suliaraa, Isumaqatigiissuteqarluni Ingerlatsinerup killiffiata nassuiaataa qinnuigineqarlunilu, kommunalbestyrelsimut, Qaasuitsup Kommuniata atuarfeqarfiini, kontraktstyring-ip atuutsinniarneqarnerata ajornartorsiutigineqarnera pillugu nassuiaateqaqqullugu.

Suliap saqqummiunneqarnera:

Økonomiudvalgip 6. marts 2013 ataatsimiinnerani, atuarfeqarfinni Kontraktstyring-ip atuutsinniarneqarnerata killiffia apeqquteqaatigineqarnerani paasiumaneqarpoq, pissutsit suut patsisaallutik, atuutsinniarneqarnerata ajornartorsiutigineqarnera. Tamanna pillugu Piorsarsimassutsimut, Atuartitaanermut Ingerlatsivik matumuuna kommunalbestyrelsimut nassuiaateqarpoq imaattumik:

Piorsarsimassutsimut, Atuartitaanermut Sunngiffimmullu Ingerlatsivimmiit Kontraktstyring-ip taama isikkoqarluni atuutsinniarneqarnera pissutsit ataani pineqartut tunngavigalugit ajornakusoorsimavoq:

1. Kommunip aningaasaqarnikkut inissisimanerani ileqqaarfingineqartarnikkut aningaasartuutinillu unititsisarnikkut kontraktstyring-ip tunngavigisai allanngorsimapput isumaqatigiissutissallu iluani, ataani pineqartut akissutissarsineqarsimannngitsut ilaatigut ajornartorsiutaasut soorlu:
  - a. Atuarfiit qanoq iliortassapat, aningasatigut kommunimiit akuliuffigineqarnikkut?
  - b. Isumaqatigiissutit atorunnaartinneqarneratigut tunngavisseqqilluni nutaamik isumaqatigiis-suiortoqartassava?

Aningaasat sinaakkusiunneqartut eqqortissinnaannginneratigut atuarfiit pisortaannut nalorninermik kinguneqartitsivoq, kommunip aningaasatigut inissisimanerani aallaaveqartumik ileqqaarniartarnernut aningaasartuutillu unitsikkallartarneranut naleqqiullugu.

2. Atuarfeqarfimmi nalimmassaanerit naatsorsuutigisamit sivisunerusumik ingerlasimapput, nalimmassaanerit suli ingerlanneqarmata.
  - a. Atuarfeqarfinni atuartunut ataatsimut aningaasaliissutaasartut naatsorsornerata takutippaa nalimmassaaqqinneq suli ingerlateqqinneqartariaqartoq.
  - b. Atuarfiup aqunneqarneranut tiimit atorneqartut nalilersoqqinneqassapput nalimmassarneqasallutillu,
  - c. Atuarfinni ataasiakkaani atorfiit nalilersoqqinneqarput,
  - d. Atuarfinni ataasiakkaani tiimit eqqiaanermut, pedellinut allaffimmiunullu atorneqartut nalunaarsorneqassapput agguassinissamullu sinaakkutissat suliarineqassallutik,
  - e. Ukiup atuarfiusup 2012/2013-ip aallartinnerani ledende skoleinspektøritut atorfik aatsaat inissippoq,
  - f. Konto-t nalimmassarneqassapput.

Taamaattumik kisitsisinik tunngaviusunik atuarfeqarfiup iluani suliaqaqqittoqassaaq, takusinnaaqqullugu aningaasat sinaakkusiunneqartut piffimmiit piffimmut naleqquttumik agguanneqarsimanersut.

3. Atuarfeqarfiup aaqqissuussaanaera pillugu siunnersuutinik Atuarfeqarneq pillugu tusarniaassutigineqartukkut pissarsiortoqareerpoq. PAS-mi Ingerlatsivimmi akissutit nalilersorneqarlutik ingerlanneqarput.
4. Ilinniartitsisut Kattuffiat isumaqatigiissutigisassap imaa pillugu atorfeqartitsinermut kalluaanersoq tusarniaassutigineqarsimannngilaq. Taamaattumik tamanna tusarniaassutigineqassaaq.

Piorsarsimassutsimut, Atuartitaanermut Sunngiffimmullu Ingerlatsiviup siunniussap atuutsinniarnissaa sioqqullugu ataani pisunik nalimmassaasimavoq.

- 1.10 indberetning-it aallaavigalugit atuartitsinermi tiimit ikinnerpaaffigisassa at nalimmassar-neqarsimapput.
- Konto-nut atortussarsiutaasunut aningaasaliissutaasut naapertuuttumik agguassinissaq tunaar-taralugu kisitsisit atuortoqassuseq aallaavigalugu agguariaaseq suliarineqarsimavoq.

Ingerlatsivik naliliivoq, ulloq manna tikillugu kisitsisit pingaaruteqartut suliat immikkoortumut tamak-kiisumik takussutissiingitsut. Taamaattumik kisitsisit pingaaruteqartut amerlanerit suliarineqarnissaat nalimmassaaqqinnissamat pisariaqartinneqartut suliaqaaqqittoqassaaq.

Kontraktstyring-i naapertorlugu atuarfeqarfiit suliffeqarfimmut pilersaarummik 1. juni tikitsinnagu fag-itigut ineriartortitassanik perorsaanikkullu anguniagassanik angusassereersimassapput kiisalu aningaasa-qarnikkut qanoq iliuseqarniarlutik eqqarsaatersuutigereersimassallugu.

Suliffeqarfimmut Pilersaarusiap qanoq isikkoqarnissaanik suli sinaakkusiisoqanngilaq, naatsorsuutigine-qarmat projektit fagitigut immikkut eqqummaariffigisassat ineriartortitassalluni marts 2013-ip qiterpaarnerani aatsaat naammassissanganineqarmata. Tamanna PAS-mi Ingerlatsiviup, atuarfiup pisortaasa kiisalu Inerisaaviup akornanni suleqatiinnerisigut pissaaq, ikaarsaariarfinni assigiinngitsuni misilitsissutit kiisalu meeqqat atuarfiani inaarutaasumik misilitsinnerit aallaavigalugit nalilersuinikkut anguniagassinnikkullu. Taassuma saniatigut suli ilusilersorneqanngilaq politikkerinut nalunaarusiorneq qanoq isikkoqassanersoq.

#### Piffissarititaasoq:

- Februar 2013. Kommunimi atuarfiit pisortaat atuartitsissutitigut immikkut sammisassat pillugit ataatsimiipput
- Februar 2013: Atuartitaanerup pitsaassusissaanik atuarfimmilu ineriartortitsissat sinaakkusiornissaq tunnaartaralugu suliaqartinneqartut
- Medio marts 2013: Projektit fagini regning / matematik kiisalu qallunaat oqaasini siuarsaanissami siunnersuut naammassineqassaaq
- Medio marts 2013: Kvalitets- og Skoleudviklerit kommunimi atorfik inuttassarsiuullugu nivinngaasoqassaaq
- Ultimo marts 2013: Suliffeqarfiup Pilersaarutissaanut sinaakkutissamik suliaqartoqassaaq
- April 2013: Atuarfeqarnermi ineriartortitsinissami aningaasanik qitiusumut nuussinissaq isumagineqassaaq
- April – Aug. 2013: Atuarfeqarfinni Kvalitets- og Skoleudviklerit siuarsaanissaminnit pilersaarusiortlutik sulissapput
- April 2013: Qanoq ataatsimiitsitaliamut kommunalbestyrelsimut nalunaarusiortarnissap qanoq isikkussaa aalajangersarneqassaaq
- Medio 2013: Atuarfeqarfiit pikkorissarfissanik Inerisaavik suleqatigalugu neqeroorfigineqassapput
- Medio 2013: Aningaasartuutissanut missingersuutit nalimmassarneqassapput
- 1. aug. 2013 aallarnerfigalugu Kvalitets- og skoleudviklerit immikkoortuminni sulillutik aallartivissapput.
- Alimasissumik atuartitsineq ukiup atuarfiusup 2013/14-ip aallartinnerani Upernaviup nunaqarfiini pingasuni Ummannamilu nunaqarfinni ataatsimi aallartissaaq
- August 2013: Kommunimi Kvalitets- og Skoleudviklerit sulitinneqassapput.

PAS-mi Ingerlatsivik naliliivoq, Kontraktstyring-i atorlugu aningaasaqarnerup ineriartorneranik aqutsineq pitsaasuusoq innersuussutigalugulu isumaqatigiissuteqarluni aqutsinerup imaa ukiup atuarfiusup aallartinneginnerani nalilersoqqinneqassasoq pisariinnerusumik immersorneqarsinnaanera tunaartaralugu

Nalunaarusiaq ataatsimiitsitaliamit tusaatissatut tiguneqarpoq, ilanngullugu atuarfiit pisortaat tusarniaa-vigineqassasut atuarfeqarfinni Kontraktstyring-ip atuutsinniarneqarnerata aallartissimannginnera sunik patsiseqarnerisq.

**Innersuut:**

- **PAS-mi Ataatsimiitsitaliap kommunalbestyrelsimut innersuussutigaa nassuiaat tusaatissatut tiguneqassasoq.**

**Tapiliussaq:**

- Qaasuitsup Kommuniani Isumaqatigiissusiorluni aqutsinermut siunnersuut.

**Aalajangiussaq:**

---

<b>Suliaq nr.</b>	<b>KOM 13-1008</b>	<b>Tapil.nr.</b>	<b>003</b>	<b>Journal nr.</b>	
<b>Qulequtaq</b>	<b>Qaasuitsup Kommuniani eqqagassalerinermut maleruaqqusaliaq</b>				

Uteqqiineq:

Qaasuitsup Kommuniani eqqagassalerinermut malittarisassanik nutaanik siunnersuusiortoqarpoq.

Suliaq Sanaartornermut, Avatangiisinut kiisalu Angallannermut Ataatsimiititaliap ataatsimiinneranni ulloq 13. december 2012 aamma 22. december 2012 suliarineqarpoq.

Suliap saqqummiunneqarnera:

Qaasuitsup Kommuniani eqqagassalerineq pillugu malittarisassat inoqutigiit illuinnarniittut/inissianiittut eqqagassataannut kiisalu inuussutissarsiortut eqqagassaataannut tunngassutillit siunnersuusiarineqarput. Malittarisassat taakku immikkoortunut nalinginnaasunut immikkullu ittunut avinneqarput.

Illuniittunut/inissianiittunut kiisalu inuussutissarsiuteqartunut malittarisassat mingutsitsinninnissaq siunertaralugu suliarineqarput taamaalillunilu kommunimi imminut napatinnerusumik eqqagassalerinermik qulakkeerinnittussaalluni.

Malittarisassat 2013-ip qiteqqunnerani atuutilertussatut pilersaarutaapput, maannakkumullu kommunimi piffimmiit piffimmut eqqagassalerinermi malittarisassat assiginngitsut atuuttut taarsertussaallugit.

Nutaanik malittarisassiorfitsinni kommunimi eqqagassalerineq nalimmarsarniarsarisimavarput taamaalillutalu kommunimi illoqarfiit nunaqarfiillu akimorlugit innuttaasut assigiiaarnerusumik atugassaqartilernissaat pilersinniarsimallugu.

Illuniittunut/inissianiittunut kiisalu inuussutissarsiuteqartunut malittarisassanut siunnersuutit suliarineqarput maannakkumut malittarisassanut atuuttunut sanilliullullugit atuisunut pitsaanerusumik paasineqarnissaat siunertaralugu.

Eqqakkat pillugit malittarisassanut siunnersuutit makku suliarineqarsimapput

- Qaasuitsup Kommuniani Inoqutigiinnut illuutiniittunut/inissianiittunut eqqakkat pillugit malittarisassat 2013
- Qaasuitsup Kommuniani Inuussutissarsiuteqartunut eqqakkat pillugit malittarisassat 2013
- Qaasuitsup Kommuniani anartarfilerineq pillugu malittarisassat 2013

Illuutiniittunut/inissianiittunut eqqakkat pillugit malittarisassani Qaasuitsup Kommuniani illoqarfinni nunaqarfinnilu eqqakkanik katersisarnermut kiisalu innersuussisarnermut tunngassutillit aalajangersarneqarput. Kommunimi innuttaasut eqqagassaataannik immikkoortiterisarneq, passussineq kiisalu suujunnaarsitsineq malittarisassatigut qulakkeerneqarpoq.

Aamma taassuma assinganik kommunimi illoqarfiit nunaqarfiillu akimorlugit inuussutissarsiuteqartut eqqagassaataasa katersorneqartarnerannik innersuunneqartarnerannillu malittarisassat eqqagassalerinermi malittarisassatigut aalajangersarneqarpoq, tassanilu anguniagaavoq inuussutissarsiuteqartut eqqagassaataannik immikkoortiterineq, passussineq kiisalu suujunnaarsitsineq qulakkeerneqassammat.

Qaasuitsup Kommuniani eqqagassaqarnikkut atugassarititaasut pitsanngorsarniarlugit alloriarneq siulleq pivoq kommunimi eqqakkat pillugit malittarisassanik suliaqarnikkut. Eqqagassalerinermi malittarisassanut marluusunut nutaanut siunnersuutit atuutsilerneqassapput, eqqagassaqarnikkut malittarisassat atuuttut tallimaasut ullutsinnullu naleqqutinnngitsut atorunnaarsinneqarnerisigut.

Malittarisassat ima ilusilerneqarsimapput, eqqakkat illuutineersut/inissianeersut imaluunniit inuussutissarsiutineersut eqqakkatut annertuutut nalilerlugit Kommunalbestyrelsi ingerlaavartumik allanngortinneqarsinnaammata, soorlu aammattaq Kommunalbestyrelsi katersuisarnermut innersuussisarnermullu nutaanik ataavartumik pilersitsisinnaasoq.

***Aningaasaqarnikkut isumalluuteqarnikkullu nalilersuutit***

Qaasuitsup Kommuniani kommunimi missingersuutitut eqqakkat pillugit malittarisassat imminermi aningaasaqarnikut toqqaannartumik kinguneqanngillat.

Malittarisassatigut allannguinerit eqqakanut tunngasutigit sanaartornermik pissuteqartumik ingerlatsinikkut aningaasartuuteqarnerunermik kinguneqartitsisut taamaalillutik akitsuusiinikkut aningaasalersorneqassapput, akitsuutitigut politikki nutaaq akuersissutigineqariapat atuutsinneqalerlunilu. Malittarisassani allaaaserineqartut misileraanerit aammattaaq akitsuusiinikkut aningaasalersorneqassapput, aaqjis-suussinerit taakku atuutsinneqalerpata atuutsinneqalissappataluunniit.

Taamattorli malittarisassat illoqarfiit eqqaavissuunik atuinerup allanngortinneqarnissaannut innersuussippot, soorlu aammattaaq malittarisassat allaffissornerup/aqutsinerup isiginiarneqarnerunissaanik anner-tunerusumik piumasaqaateqartut.

Ilanngullu Eqqakkanut passussinerit malittarisassat inissiatileqatigiit eqqakkanik passussinerannut annertunerusumik piumasaqaateqalernissamut periarfissippot, soorlu tamanna umiarsualiveqarnermut aamma tunngatillugu atuuttoq. Tamatuma kingunerisaanik aningaasaqarnikkut kinguneqaatit, soorlu inis-sianik attartornermi akigitat qaffanneri kiisalu umiarsualivimmu akitsuutit qaffanneri pinngitsoorne-qarsinnaanngillat.

***Inatsisitigut toqqammavik kiisalu uppernarsaatit sinaakkusiisut***

Avatangiisit pillugit inatsit atuuttoq tunngavigalugu eqqakkanik passussinerit malittarisassat suliarineqarput:

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq
- Igitassanik eqqaasarneq pillugu Namminersorerullutik Oqartussat nalunaarutaat nr. 28, 17. september 1993-meersoq.
- Oliakunit akuutissanillu eqqagassat pillugit Namminersorerullutik Oqartussat nalunaarutaat nr. 29, 17. september 1993-meersoq.

**Suliamik suliarinninneq:**

Eqqagassalerinerit malittarisassat kommunalbestyrelsimit akuersissutigineqareepata, malittarisassat Namminersorlutik Oqartussanit akuersissutigineqassapput tamanna pissaaq malittarisassat atuutsinneqalernissaat pillugu tamanut nalunaarutiginninnerit atatillugu.

**Aningaasaqarnermut Ataatsimiititaliamit oqaaseqaatit**

Aningaasaqarnermut Ataatsimiititaliamiinnikuunngilaq

**Ataatsimiititaliap susassaartup inassutaa:**

**Sanaartornermut, Avatangiisut kiisalu Angallannerit Ataatsimiititaliap Kommunalbestyrelsimut inassutigaa:**

- **Qaasuitsup Kommunianut tamanut atuuttussamik eqqakkat pillugit malittarisassanut nutaanut siunnersuut akuersissutigineqassasoq**

**Tapiliussatut atortussat:**

1. Qaasuitsup Kommuniani Inuussutissarsiuteqartunut eqqakkat pillugit malittarisassat
2. Qaasuitsup Kommuniani Inoqutigiinnut illuutiniittunut/inissianiittunut eqqakkat pillugit malittarisassat
3. Qaasuitsup Kommuniani anartarfilerineq pillugu malittarisassat  
Kommuneqarfik Sermersooq –2013-mut akigitat (eqqagassaqarneq eqqarsaatigalugu akitsuutitigut aningaasalersuinerit assersuutit)

**Aalajangiussaq:**



<b>Suliaq nr.</b>	<b>KOM 13-1009</b>	<b>Tapil.nr.</b>	<b>004</b>	<b>Journal nr.</b>	<b>16.03-01</b>
<b>Qulequtaq</b>	<b>Kommunep pilersaarusionerqarneranut tapiliussatut siunnersuut nunaminertanik agguasaarnermut aalajangersakkat</b>				

Uteqqiineq:

Qaasuitsup Kommuniani kommunimi tamarmiusumut pilersaarusiap ilaattut pilersaarutip ilassaatur maanna siunnersuut saqqummiunneqarsimalerpoq.

Kommunit aqqissuuteqqinneqarnissaat sioqqullugu Qaasuitsup Kommuniani kommunit tamarmik immikkut kommuniminni pilersaarusiagarput, ingerlaavartunik ilassuserneqarnermikkut nutarterneqartartunik. Taakku pilersaarutit katiterlugit aqqissuunneqassapput taamaalilluni Qaasuitsup Kommunianut kommunimi ataatsimoorussamik pilersaarutit saqqummerniassamata.

Suliamik suliarinnineq:

Kalaallit Nunaanni kommunit aqqissuuteqqinneqarnerannut atatillugu 2009-mi Qaasuitsup Kommunian kommunerujussuurtut pilersinneqarpoq. Tamatuma ilaatigut kinguneraa nunatsinni kommunit namminersortut 18-it kattunneqarmata taamaalillunilu maannakkut kommunerujussuit sisamat pilersinneqartunik. Aqqissuuseqqinneq januar 2009-mi atuutsinneqalerpoq. Qaasuitsup Kommunian kommuninit arfineq pingasuusunit namminersortuusunit pilersinneqarpoq. Suli kattussuutsitsinerup kingunerisaanik suliaassat ingerlanneqarput kiisalu allaffissornikkut aqutsinikkullu suliat tamatuminnaga pissuteqartumik ingerlanneqartut suli naammassineqanngillat.

Kommunit aqqissuuteqqinnissaat sioqqullugu Qaasuitsup Kommunian kommunit tamarmik immikkut kommuniminni pilersaarusiagarput, ingerlaavartumik ilassuserlugit nutarterneqartartunik. Taakku pilersaarutit katiterlugit allaqqinneqassapput taamaalilluni Qaasuitsup Kommunianut ataatsimoorussamik kommunimi pilersaarutinnugussallutik.

Kommunimut pilersaarut ataatsimoorussa q immikkoortunut marlunnut piffissalikkamik suliarineqassapput.

1. Kommunalbestyrelsip tunniussisarnermut tunngatillugu aalajangersagai.
2. Pilersaarutit nassuiaataat, Pingaarnertut iluseq kiisalu Pingaarnertut sumiiffiit ilaanni aalajangersakkat kiisalu sumiiffiit ilaanni aalajangersakkat immikkut nassuiaasersukkat.

*Sooq nunaminertanut tunniussisarnermi aalajangersakkat?*

Kalaallit Nunaanni nunamut piginnittussaaneq ataatsimoorussassatut inissisimavoq. Nunaminertat pisari neqarsinnaanngillat tuniniarneqarsinnaanatillu. Illuliornissamut imaluunniit sanartornissamut periarfissaqassagaanni nunaminertamik tunniussisoqartarpoq, taannalu nunaminertaq atugassiissutaavoq. Taamaattumik Qaasuitsup Kommunian aqutsisinnaajumalluni aalajangersakkanik pisariaqartitsivoq.

Nunaminertamik tunniussisarnermut Kommunalbestyrelsip aalajangersagai nutaat kommunimi pilersaarusionerup nutaap ilagivai, taakkulu pilersaarusiortaneq pillugu inatsit § 22 naapertorlugu immikkoortortatut immikkoortutut ilanngunneqassapput.

Tamatumunnga pissutaavoq ammasuunissamik pisariaqartitsinermik kissaateqarneq, ataatsimoorussamik toqqammaveqarnissaq kiisalu kommunimi tamarmiusumi nunaminertanik allaffissornikkut aqu-tsinermi ammasuunissaq.

Kommunimi kommunit pilersaarutaat arfineq pingasuusut atuuttut ingerlaavartumik ilassuserlugit nutarterneqartartut, nunaminertanik tunniussisarnermut tunngatillugu assigiinngitsunik arfineq pingasuusunik aalajangersagaqarput. Kommunitoqqani nunaminertanik tunniussisarnermi allaffissornikkut aqutsineq assigiinngitsorujussuusimavoq. Taakku Pilersaarutit pillugit allakkiami ilanngunneqartumik misissuaarneqarput – Ilanngusaq 1.

Kingunissai:

Nunaminertanik tunniussisarnermi aalajangersakkanut Kommunimi pilersaarusiørnermi ilassutissatut siunnersuummut pilersaarutiniq suliaqarnissaq ataani piffissaliussassatut pilersaarut malillugu ingerlanneqassapput:

30-03-2013	Kommunimi Pilersaarusiørnermut Ilassutissatut siunnersuut Kommunalbestyrelsimut akuersissutigineqassaaq.
25-03-2013	Kommunimi Pilersaarusiørnermut Ilassutissatut siunnersuut nalunaarutigineqassaaq.
31-05-2013	Kommunimi Pilersaarusiørnermut Ilassutissatut siunnersuutip tusarniutigineqarneranut piffissarititaasoq naassaaq.
??-??-2013	Kommunimi Pilersaarusiørnermut Ilassutissatut siunnersuut aningaasaqarnermut Ataatsimiititaliamut akuersissutigineqarallassaaq.
??-??-2013	Kommunimi Pilersaarusiørnermut Ilassutissatut siunnersuut Kommunalbestyrelsimut akuersissutigineqassaaq
??-??-2013	Kommunimi Pilersaarusiørnermut Ilassutissatut siunnersuut Kommunalbestyrelsimi nalunaarutigineqassaaq, tamatumalu kingorna atuuttussanngortinneqarluni.

Inatsisit toqqammavigineqartut:

- Pilersaarusiørneq aamma nunaminertat atorneqartarnerat pillugit Inatsisartut inatsisissaat nr. 17, 7. november 2010-imeersoq.
- Ilulissani Kommunimut pilersaarut 1994-2004 61-nik ilassuserneqarsimasooq.
- Ummannami Kommunimut pilersaarut 1992-2010 arfineq pingasunik ilassuserneqarsimasooq.
- Upernavimmi Kommunimut pilersaarut 2008-2015 ataatsimik ilassuserneqarsimasooq.
- Qaanaami Kommunimut pilersaarut 1998-2010 pingasunik ilassuserneqarsimasooq.
- Qeqertarsuarmi Kommunimut pilersaarut 1992-2005 tallimanik ilassuserneqarsimasooq.
- Aasianni Kommunimut pilersaarut 1993-2005 19-nik ilassuserneqarsimasooq.
- Qasigianguani Kommunimi pilersaarut 1993-2005 pingasunik ilassuserneqarsimasooq.
- Kangaattaami Kommunimut pilersaarut 1998-2010 ataatsimik ilassuserneqarsimasooq.

Suliamik suliarinninneq:

Kommunalbestyrelsi aamma Aningaasaqarnermut ataatsimiititaliaq.

Inassuteqaat:**Aqutsisoqarfiup Kommunalbestyrelsimut siunnersuutigaa:**

**Kommunimi Pilersaarusiørnermut Ilassutissatut siunnersuut, nunaminertanik tunniussisarneq pillugu Kommunalbestyrelsip aalajangersagai ilangullugit akuersissutigineqassasoq kiisalu sapaatip akunnerini arfineq pingasuni tusarniutigineqarnissaa pisortatigoortumik tamanut nalunaarutigineqassassoq.**

Tapiliussatut atortussiat:

Ilanngussaq 004 Kommunimi Pilersaarusiørnermut Ilassutissatut siunnersuut nunaminertanik tunniussisarnermi aalajangersakkanik ilaqartoq.

Aalajangiussaq:

--

<b>Suliaq nr.</b>	<b>KOM 13-1010</b>	<b>Tapil.nr.</b>	<b>005</b>	<b>Journal nr.</b>	
<b>Qulequtaq</b>	<b>Qaanaami imigassat kimittuut nioqquataasarnerinut Nalunaarutip atorunnaarsinnissaa pillugu siunnersuut</b>				

Uteqqiineq:

Imigassanik kimittuunik nioqquteqartarnerup inerteqqutigineqarnerata atorunnarsinneqarnissaa pillugu Qaanaami innuttaasut taasitinneqarnerisa inernerat tunuliaqutaralugu, Isumaginninnermut Ilaqutariinnermullu Ataatsimiititaliap suliaasaq ataatsimiinnermi 03-2013-mi ullormi 28. februar ingerlanneqartumi suliaraa.

Suliap saqqummiunneqarnera:

Ataatsimiititaliami suliamik saqqummiussineq ilanngussatut ilanngunneqartoq innersuussutigineqarpoq.

Suliamik suliarinnineq:

Suliamut tunngatillugu Komunalbestyrelsi aalajangiisinnaanngilaq, taamaattorli inerteqquteqarnerup atorunnaarsinneqarnissaa piumasaralugu Naalakkersuisunut saaffiginnissinnaalluni.

**Inassuteqaat:**

**Isumaginninnermut Ilaqutariinnermullu Ataatsimiititaliap Kommunalbestyrelsimut inassutigaa:**

- **Qaanaami amerlanerussuteqartut taasinerat naapertorlugu Kommunalbestyrelsi inerteqquteqarnerup atorunnaarsinneqarnissaa piumasaralugu Naalakkersuisunut attaveqasasooq.**

Tapiliussaq:

- USA imm. 13-027, ilanngussanik ilaqartinneqartoq.

**Aalajangiussaq:**

--

<b>Suliaq nr.</b>	<b>KOM 13-1011</b>	<b>Tapil.nr.</b>	<b>006</b>	<b>Journal nr.</b>	
<b>Qulequtaq</b>	<b>Kommunemi ileqqoreqqusaliat naleqqussarnissaat, siunnersuisarnermik ingerlatsiffiit</b>				

Uteqqiineq:

Sanaartornermut, avatangiisinut angallannermullu ataatsimiititaliap augustip qaammataani ataatsimiinermi suliffeqarfiup avataaneersunik siunnersorteqarnissamik toqqaasarneq tunngavissaqarnerisq suliaraa, immikkoortoq 12-043, aamma suliaq Aningaasaqarnermut Ataatsimiititaliamut februar 2013 nassiuppaa. Suliaq pissutsit tunngaviusut aallavigalugit suliarineqanngilaq, toqqaannartumilli Ane Lone Bagger-ip (D) piimasaqarneratigut toqqaannartumik kommunalbestyrelsemut nassiunneqarluni.

Suliamik saqqummiussineq:

Ataatsimiititaliap attuumassuteqartup suliamik saqqummiinera ilanngunneqarpoq, taannalu innersuussutigineqarluni.

Aqutsisoqatigiit allattoqarfianit naliliineq:

Aqutsisoqarfiup allattoqarfiata nalilerpaa, suliaq kommunalbestyrelsemit saqqummiunneqartut tunngavigalugit pissutsit tunngaviusut aallaavigalugit suliarineqartussaangitsoq. Ataatsimiititaliap attuumassuteqartup suliarinninerani takuneqarsinnaavoq, kukkusumik aamma paasissutissiinerlunnermik tunngaveqartoqarsimasoq, minnerunngitsumik ABR89-ip qanoq paasineqartariaqarneranik paasinnissimaneq eqqunngitsuvoq. Tassa imaappoq inatsisit aamma ABR89-ip sumorpiaq atugassaaneri nikingassuteqarput. Suliaq ataatsimiititaliamut saqqummiunneqarnera ataatsimiititaliallu aalajangiinera imminnut naapertuutinnngissorinarput.

Aningaasaqarnermut Ataatsimiititaliap piffissap ingerlanerani Neqerooruteqartarnermut inatsit (aamma taassuma tunngavii) akuera, kommune suliffeqarfiup avataanit siunnersortinik il.il. attartornissaani taaku atorneqartassasut. Sanaartornerinnarmut inatsit toqqaannartumik atuuppoq. Ataatsimiititaliap attuumassuteqartup siunnersortinik toqqaasarnermut nutaanik malittarisassaqaarnissamik aalajangersaasoqarnissaanik kissaateqarneranut tunngaviusoq maalaarutaamat Suliariumannittussarsiuussisarneq pillugu maalaartarfimmut nassiunneqarpoq, nukissiuuteqarneq pillugu assitalersuinermi kommunep suliariumannittarsiuussineranut suliaq attuumassuteqarpoq. Maalaaruteqartarfimmit aalajangiunneqarpoq kommune suliariumannittussarsiornermi paasissutissat paasissutissiissutigisimagaluarpagilluunniit neqeroortarnermut inatsit qanorluunniit atuutittussaasasoq, suliami pineqartumi maalaartarfik piginnaattaaffeqanngilaq, sanaartornermut suliaq uani pineqanngimmat.

Maalaaruteqartarfimmit taamatut inerniliineq taamaalilluni ingerlatsiviup suliamik suliaqartup aamma ataatsimiititaliap attuumassuteqartup suliamik suliarinninera atuutilersinneqarpoq.

Ataatsimiititaliap attuumassuteqartup aamma/imaluunniit ingerlatsiviup suliamik suliaqartup Maalaaruteqartarfiup nalunaaruteqarneranik paatsuueqqaarnera peqquteqassagatinneqarpoq kukkusumik paasinninermik imaluunniit paatsuuinermik. Maalaaruteqartarfik siunnersuisoqarnissamik neqerooruteqartitsilluni suliani piginnaataaffeqanngimmat imaangilaq Aningaasaqarnermut Ataatsimiititaliap neqerooruteqartarnermut inatsimmik malinninniarluni aalajangernera kukkusuussasoq. Allannguisoqaraluarpuunniit Maalaaruteqartarfik suliani taamaattunik suliaqarsinnaaneranut sunnuteqartoqarunnangilaq.

Aqutsisoqarfiup allattoqarfiata siunnersorteqarsinnaanermik neqerooruteqartarnermut inatsit malinneqartussanngorlugu aalajangerneq allannngortittariaqanngitsutut imaluunniit aningaasaliissutit killeqarnerinik nalilersuisoqaqqittariaqanngitsoq nalilerpaa, kisianni Maalaaruteqartarfiup nalunaaruteqarnera nik atuutilersitsineq kukkuneruvoq aamma taamaattut allannguuteqartoqarnissaanik kissaateqarneq tunngavilersorneqarsinnaanngilaq.

Kukkunerup aappaa imaluunniit paatsoornerup aappaa uaniippoq; suliaq saqqummiunneqarnerani paasissutissiissutigineqarpoq siunnersuisumik sulisitsisarnermi ”inatsiseqartoq”, ABR89. Inatsimmik taagu-

siisimaneq siullertut kukkuneruvoq aappaattullu siunertarineqartut taaneqartumut atorneqarsinnaanani. ABR89 ima taaguuteqarpoq "isumaqatigiissuteqarluni uppersaasaat" ("agreed document"). Taanna ima paasineqassaaq: siunnersorneqarnissamik isumaqatigiissuteqartoqartillugu isumaqatigiissuteqarnermi atugassarititaasunik malinneqartussanillu aalajangersagaq, taamaattoq suliariumannittussarsiuussinermi tunngavittut atorneqarsinnaanngilaq. ABR89 aatsaat atorneqarsinnaalertarpoq, suleriaaseq taanna qaangerneqarsimassappat aamma tigussaasumik (pissarsisussaq) siunnersorti isumaqatigiissusiorfigineqarnialeraangat, siusinnerusukkuunngitsoq. Paarlattuanik neqerooruteqartarnermik inatsit neqerooruteqannginnermi aamma neqerooruteqarnerup nalaani (aamma ilaatigut neqerooruteqartoqareeraangat) atorneqarsinnaasarpoq. Kommune siunnersortinik isumaqatigiissuteqarsimatillugu qanorluunniit isikkoqaraluarpat ABR89-i isumaqatigiissuteqarnermi tunngaviusussaassasoq naatsorsuutigineqarpoq.

Aqutsisoqarfiup allattoqarfiata erseqqissassavaa nalilersuineri qulaani allassimasumi aningaasaliissutit killiinik atuuttuinnarnik allannguisoqartariaqarneranik naliliineq eqqoriarneqarsinnaanngimmat. SAAA-p aalajangerpaa, *"Ajunngitsorsiasat amerlassusaanik ingerlatsivik assersuusiorluni saqqummiussasog, taamaalilluni aningaasat killeqarsinnaaniassammata. Ataatsimiititaliap Aningaasaqarnermut Ataatsimiititaliamut siunnersuutigaa pisiniartarnermi politikki allanngortinneqassasog"*. Ingerlatsivimmiit ajunngitsorsiasat amerlassusilerneqarnissaannik assersuusiamik taamaattumik saqqummiussisoqarsimannngitsoq takuneqarsinnaavoq.

Inatsit tunngavigineqartoq:

Soqanngilaq

Kingunissai:

Inassuteqaat malinneqassappat soqanngilaq.

Aningaasatigut kingunissai:

Inassuteqaat malinneqassappat soqanngilaq.

Inassuteqaat:

**Allaffissornermik suliaqartut kommunalbestyrelsemut inassuteqaatigai**

- SAAA-mit inassuteqaat **itigartitsissutigineqassasog** aamma
- Sanaartornermut, Avatangiisinut Teknikeqarnermullu Ingerlatsivik ajunngitsorsiasat eqqornerusut nutaamik siunnersuusiorfigissallugit suliakkerneqassasog, suliat suliarineqarneranni iluaqutissat aamma ajoqutaasinnaasut qanoq kinguneqarnissaannik nalilersuinerit ilanngullugit.

Tapiliussaq:

- SAAA-p ullormut oqaluserisassai, ilanngussat ilanngullugit

Aalajangiussaq:

<b>Suliaq nr.</b>	<b>KOM 13-1012</b>	<b>Tapil.nr.</b>	<b>007</b>	<b>Journal nr.</b>	
<b>Qulequtaq</b>	<b>2012-mi ukiumoortumik naatsorsuutitut inerniliussat</b>				

Uteqqiineq:

Aningaasaqarnermut Ataatsimiittitaliap 6.marts 2013 ataatsimiinnermini 2012-mi ukiumut inerniliussaa-gallartoq suliaraa, 2012-mi ukiumut naatsorsuutitut ilimagisamit 13,6 million koruuninik sinneqartoof-i-gineqarput. Pilersaarutit naapertorlugit 29,4 million koruuninik sinneqartoortoqartussaangaluarpoq. Taamaalilluni malunnaatilimmik atuivallaartoqarsimavoq.

Atuivallaartoqarnera 2013-imi aningaasanik tigoriaannaateqarnermut pitsaanngitsumik kinguneqarpoq. Kommunalbestyrelsep aningaasat tigoriaannaat 5 %-iunissaannik aalajangiinikuuvoq, taamaattoq 2,8 %-iinnarmiippoq aamma 2013-imi 2,2 %-imik appariartussaassaaq.

Naatsorsuutit inernerigallagaat tusaatissatut tiguneqassasoq inassutigineqarpoq kiisalu missingersuutit pillugit Ingerlatsivinnik ataasiakkaanik oqaloqateqarnerup aallartinnissaanik; 2013-imi missingersuutit aaqqissorneqarnissaat anguniarlugu, aalajangertoqassasoq inassutigineqarluni. Atuivallaartoqarnerata kingunerisaanik aaqqissuussinissaq pisariaqartinneqarpoq.

Suliamik saqqummiussineq:

Naatsorsuutit inerneranni 13,6 million koruuninik sinneqartoornissaq ilimagineqarpoq. Aningaasat 1 mil-lion kr.-nink sinneqartoorteqarnissaat amigartoorteqarnissaallu qulakkeerlugu oqaatigineqarsinnaann-gikkallarpoq, ukiumi naatsorsuutit naammassineqarnissaanni aningaasat pissarsiassat pissarsiariuminaa-tsutut isikkullit isumakkeerutaanissaannik aalajangiisoqarsinnaanera naatsorsuutit inernivissaannut isummerfineqartussaammat.

Missingersuusiordermi pilersaarutaasutut 29,4 million koruuninik sinneqartoorteqarnissamut sanilliul-lugu naatsorsutit inernerini 13,6 million koruuninik sinneqartoorteqarnissap oqaluttuupaatigut ukiup ingerlanerani 15,8 million koruuninik atuivallaartoqarsimasoq. Tassunga pequtit annerpaartaat Anin-gaasaqarnermut Ataatsimiittitaliamut missingersuutit nassuiaataanni 2-mi 2012-imi nassuiaatigineqa-reerpoq.

	mill. kr.
Sinneqartoortissatut missingersuutit	29.373
2012-imi naatsorsuutit inernerat	13.579
<b>2012-imi atuivallaarneq</b>	<b>15.794</b>

Missingersuutit pillugit nassuiaataata 1-p aamma missingersuutit pillugit nassuiaataata 2-p Kommunalbe-styrelsemut saqqummiunneqarnerata kingorna aningaasaqarneq pillugu iliusiortoqassasoq aalajangerto-qarpoq pilersaarutaasut naapertorlugit sinneqartoornissaq qulakkeerniarlugu. Tassungalu atuivallaarsima-neq sanilliussorlugu nalilersuisoqassaaq. Missingersuutit pillugit nassuiaatit kommunalbestyrelsep aala-jangiinerinut tamakkiisumik naapertuussimangitsut oqaatigisariaqarpoq.

Ingerlatsivinni ataasiakkaani aningaasanik atuivallaarneq aamma atuinikipallaarneq ima agguataarne-qarpoq:

	mill. kr.	Nikingassut %-nngorlugu	
ALLAFFISSORNEQ	-9.139	5,3	●
TEKNIKEQARFIK	-3.077	6,5	●
SULIFFISSARSUIUSSARFIK INUUTISSARSUTEQARFILLU	310	-0,7	●
ISUMAGINNITTOQARFIK	-10.641	2,9	●
ATUARTITSINEQ AAMMA KULTUREQARNEQ	-5.579	1,5	●
PILERSUINEQ	-1.379	19,6	●
SANAARTORNERMUT ANINGAASARTUUTIT	11.491	-20,1	●
ISERTITAT	2.221	-0,2	●
<b>2012-imi atuivallaarneq</b>	<b>-15.794</b>		


Kisitsisit takussutissartaani qalipaait qorsuit tassapput missingersuusianik malinnissimasut sinneqartoor-fiulaarsimasullu aappaluttumik qalipaasersukkat tassaallutik atuivallaarfiusimasut.

Ingerlatsivik aningaasanik millionilikkuutaanik atuivallaarnerpaaq tassaavoq isumaginnittoqarfikneq, taanna 10,6 million koruuninik atuisimavoq, missingersuusiarineqartunit 2,9 %-imik sinniilluni atuinertut taanna naleqarpoq. atuivallaarneq %-inngorlugu atuivallaarnerpaaq tassaavoq: pilersuineq, taanna 19,5%-mik atuivallaarsimavoq, aningaasanngorlugu 1,4 million koruuninik atuivallaartoqarsimalluni.

### Ukimut naatsorsuutit inernerisa 2013-mut missingersuutit sunniuteqarfigissavai

Missingersuusiarineqartut malinneqarnissaat 2012-imi erseqqissumik piunasaqaataavoq, kommunep karsiani aningaasat tigoriaannaat 2013-imi ikippallannginniassammata. 2012-imi 15,8 million koruuninik atuivallaarneq paatsoorutaasinaanngitsumik 2013-imi ikinnerusunik karsimiittuuteqarnermik kinguneqassaaq. Kommunalbestyrelsep aningaasaqarneq pillugu iliussisaat naapertorlugu aningaasat tigoriaannaat 5 %-imiinneqarnissaat aala-jangiunneqareerpoq. Aningaasat tigoriaannaat 2013-ip aallartinnerani 2,8 %-imiippat taakkulu 2013-ip naanerani 2,2 %-mut appariassagatinneqarput. Tamatuma paasinar-sisippaa 2013-imi atuivallaartoqarsinnaassanngitsoq. Taamatullu tunngaveqarneq tutsuiginanngilaq.

**Kommunep aningaasaataasa tigoriaannaat ineriartorneri 2009-2013 (1000 kr)**



**MALUGIUK:** aningaasat tigoriaannaat (karsimiittuutit) qaammatip ulluisa naggataanni kisinneqartarput.

2012-mut naatsorsuutit inerneris 19 million koruuninik inuleraangatigit aningaasaqarneq pillugu nalunaarusiat Aningaasaqarnermut Ataatsimiittitaliamut susinnerusukkat saqqummiunneqartarput. Taamaalilluni ingerlatsiveqarfiit ataasiakkaat 2013-mut missingersuutini aningaasaatissaatut aalajangersakkat aqqissu-iffineqarnissaat 2013-ip aallartinnerani nukinginnartumik pisariaqartitsisoqarpoq.

Taamaalilluni ingerlatsiviit ataasiakkaat missingersuutini aningaasaliissutaareersut qanoq aqqiiffineqarsinnaaneriniq periarfissanik eqqartueqatiginarlugit missingersuutit pillugit oqaloqatigiinnerit aallartittariaqartoq siunnersuutigineqarpoq. Tamatumunnga tunngaviuvoq ingerlatsiviit ataasiakkaat 2012-imi aningaasat atorpallaarsimasaasa amerlaqataannik 2013-imut missingersuutini aningaasanik ikililerinissaq. Missingersuutit pillugit oqaloqatigiinnerup tamanna pitsaasumik kinguneqartikkallassavaa. Aningaasaqarnermut ingerlatsiviup Aningaasaqarnermut Ataatsimiittitaliap tullissaanik ataatsimiinnissaani missingersuutit pillugit oqaloqatigiinnerup ineranik nalunaarusiussaaq.

Ukiumi naatsorsuutit inernerisa – ukiumi naatsorsuutit nalunaarusiarineqarneranut ilaatinneqarlutik – pi-sortanit missingersuutininut akisusaaffilinnit oqaaseqarfigineqartassapput. Tamatuma kingorna oqaaseqaatit ataatsimiittitaliani ataavartuni, aningaasaqarnermut ataatsimiittitaliami aamma kommunalbestyrelsemi suliarineqassapput. Tamanna aprilip qaammataani pissagatinneqarpoq.

Aningaasaqarnermut ataatsimiittitaliap aalajangiussimavaa siunniussatut allaaserisamisut ingerlatsiviit missingersuutit pillugit oqaloqatigineqarnissaat aallartinneqassasut.

**Inassuteqaat:**

- **Aningaasaqarnermut ataatsimiittitaliap inassutigaa, kommunalbestyrelsep ukiumoortumik inerniliussat tusaatissatut tigugallassagai.**

**Tapiliussaq:**

1. Nalunaarusiaq 392 – kommune tamaat eqqarsaatigalugu ukiumut naatsorsuutit inerneri.

**Aalajangiussaq:**



**Ilisimatitsissutit:**

Soqanngilaq.

**Ilaasortat siunnersuutaat ataatsimiittitaliani allattoqarfimmiilluunniit suliareqqitat**

Soqanngilaq.

**Ilaasortanit apeqquteqaatit, allattoqarfimmiit akisat**

Soqanngilaq.

**Atsiorfissaq:**